

715 »Ich grüeze, die ich grüezen sol,
 daz ich mit dienste grüezen hol.
 vröuwelîn, ich meine dich,
 sît dû mit tröste tröstes mich.
 5 unser minne gebent geselleschaft,
 daz ist wurzel mîner vreude kraft.
 dîn tröst vür ander tröste wigt,
 sît dîn herze gein mir triwen pfligt.
 dû bist slôz ob mîner triwe
 10 unt ein vlust mînes herzen riwe.
 dîn minne gît mir helfe rât,
 daz deheiner slahte untât
 an mir nimmer wirt geschehen.
 ich mac wol dîner güete jehen
 15 stæte âne wenken sus,
 als polus artanticus
 gein dem tremontane stêt,
 der neweder von der stete gêt.
 unser minne sol in triwen stên
 20 unt niht von ein ander gên.
 Nû gedenke ane mir, werdiu magt,
 waz ich dir kumbers hân geklagt;
 wis dîner helfe an mir niht laz.
 ob dich iemen durch mînen haz
 25 von mir welle scheiden,
 sô denke, daz uns beiden
 diu minne mac wol lônên.
 dû solt vrouwen êren schônên^K
 unt lâze mich sîn dîn dienstman.
 30 ich wil dir dienen, swaz ich kan.«

»Ich gr. dich, wan ich dich gr. sol, *T (nur U)
 dâ ich *G (V)
 vrouwe mîn, ich *G (nur GI)

dâ (Die V) ist *T
 vür alle tr. *G (ohne Z)

b. ein sl. *T (nur U) (I)

w. gesehen. *G *T

wenke *T (nur U)
 als der (der) »polus« I Polus vnde Fr22) a. *G (ohne LZ)

ane mich ([m*]: mich V), *G (*T)

sô (Nv G) gedenke, *G (ohne I) *T
 dîniu m. *T (nur U) · mac wol gelônên. *G (ohne I) *T

dînen *G

*D: D *m: m Fr69 (715.5–6) *G: G I L Z Fr22 (715.10–21) Fr24 (715.28–30) *T: U V

1 Großinitiale U · Initiale D G I L Z 21 Initiale I · Majuskel D

1 Ich] +ch D 2 daz] dâ *m 6 daz] sô *m 13 geschehen] gesehen *m 26 denke] gedenke *m 27 wol lônên] gelônên (gelononen m) *m